

Na osnovu provedenog postupka u skladu sa članom 90. Zakona o javnim nabavkama Bosne i Hercegovine, ("Službeni glasnik BiH", broj 39/14), Pravilnika o postupku direktnog sporazuma („Sl. glasnik BiH“, broj 90/14), Pravilnika o postupku direktnog sporazuma J.U. Zavoda za javno zdravstvo Kantona Sarajevo i na osnovu Odluke o prihvatanju cijene ponuđača broj: 05.12.101-4893–Odluka o prihvatanju/21 od 02.08.2021. godine, zaključuju slijedeće:

UGOVOR O NABAVCI, ISPORUCI I INSTALACIJI ROBE VODENO KUPATILO

1. J.U. ZAVOD ZA JAVNO ZDRAVSTVO KANTONA SARAJEVO, ulica Dr.Mustafe Pintola broj 1/III Ilidža - Sarajevo, identifikacioni broj: 4200329950003, koga zastupa Prof.dr.med.sci. Aida Pilav, direktorica (u daljem tekstu: Ugovorni organ)

i

2. „ANALITIKA” d.o.o. SARAJEVO ulica Ferde Hauptmana br.7, identifikacioni broj: 4200561260005, koju zastupa direktorica: Gorana Maglajlić (u daljem tekstu: Dobavljač),

U daljnjem tekstu Ugovora, kada se Ugovorni organ i Izvršilac navode zajednički, tj. zbirno, tada su označeni kao „**Ugovorne strane**“.

I PREDMET UGOVORA

Član 1.

Predmet Ugovora je nabavka, isporuka i instalacija robe –Vodeno kupatilo za potrebe J.U. Zavoda za javno zdravstvo Kantona Sarajevo, a prema ponudi broj: DS-008-1 od 23.07.2021. godine, koja je sastavni dio Ugovora.

Član 2.

Ugovorni organ naručuje predmetnu robu, a Dobavljač prihvata da je nabavi, isporuči i instalira, na osnovu provednog postupka javne nabavke putem direktnog postupka i Odluke Ugovornog organa o prihvatanju cijene ponuđača broj: 05.12.101-4665–Odluka o prihvatanju/21 od 02.08.2021. godine.

Član 3.

Ugovorni organ i Dobavljač su saglasni da se Ugovor realizuje prema već definisanim uslovima u Pozivu za dostavu ponude i ponudom broj: DS-008-1 od 23.07.2021. godine.

II UGOVORENA CIJENA, OBRAČUN I NAČIN PLAĆANJA

Član 4.

U obim roba iz člana 2. ovog Ugovora podrazumijeva se roba po prihvaćenim cijenama, prema specifikaciji iz Obrascu za cijenu ponude i prihvaćenoj ponudi.

Ukupna vrijednost Ugovora iznosi 4.492,30 KM bez PDV-a, odnosno 5.255,99 KM sa PDV-om i ista je nepromijenljiva u toku trajanja Ugovora.

Član 5.

Ugovorni organ će platiti fakturu za isporučenu robu u roku 30 (trideset) dana od dana ispostavljanja faktura.

Ugovorni organ neće preuzimati robu niti plaćati fakture ukoliko se iskaže razlika u količinama na fakturi, otpremnici i narudžbenici.

III ROK, MJESTO I NAČIN ISPORUKE ROBA

Član 6.

Ukoliko u toku trajanja Ugovora Dobavljač promjeni broj telefona i faksa, odmah je dužan pismenim putem obavijestiti Ugovorni organ.

Dobavljač se obavezuje dostaviti i instalirati predmetnu robu Ugovornom organu, propisanog kvaliteta, u traženim količinama i u dogovoreno vrijeme.

Mjesto isporuke roba: sjedište Ugovornog organa, ul. Dr. Mustafe Pintola 1/III u J.U. Zavod za javno zdravstvo Kantona Sarajevo .

IV OBAVEZE UGOVORNIH STRANA

Član 7.

Dobavljač se obavezuje:

-da će ugovorene obaveze izvršiti blagovremeno, u ugovorenom roku, stručno i kvalitetno u skladu sa važećim tehničkim normativima i standardima, sve prema dostavljenoj Ponudi;

-da će isporučiti, instalirati i pustiti u rad robu, kao i izvršiti neophodnu pripremu mjesta instalacije robe, a prema specifikaciji nabavke i to u roku od 30 (trideset) dana od momenta potpisivanja ovog Ugovora;

-da će Ugovornom organu omogućiti nadzor nad vršenjem isporuke, te da će na njegov zahtjev obustaviti isporuku robe ukoliko se utvrdi da se ista izvodi nekvalitetno i mimo tehničke dokumentacije;

-da će posebno obrati pažnju da se prilikom isporuke i instalacije robe, ne nanese štetu unutar prostora ili susjednih prostora, a ukoliko se ista desi, da će je otkloni o vlastitom trošku;

-da će u najkraćem roku otkloniti eventualne nedostatke koji mu budu predočeni prilikom primopredaje roba iz člana 1. ovog Ugovora od strane ovlaštenog lica Ugovornog organa;

-da će prilikom primopredaje roba iz člana 1. ovog Ugovora, Ugovornom organu predati garantne listove za ponuđenu robu iz tehničke specifikacije,

-da će izvršiti obuku osoblja Ugovornog organa u laboratoriji Ugovornog organa, obuka će trajati minimalno 3 dana i sa obukom će se početi odmah nakon isporuke, instalacije i puštanja u rad robe i nakon obavljene obuke izdati uvjerenje (certifikat),

-da će nakon instalacija robe iz člana 1. ovog Ugovora izvršiti kalibraciju uz dostavljanje Certifikata od kalibracione laboratorije prema standardu 17025.

Ugovorni organ se obavezuje:

-da će izvršiti uplatu ukupne cijene vrijednosti ugovorene roba iz člana 3. ovog Ugovora, na način i u roku utvrđenom u članu 4. ovog Ugovora;

-da će pismeno obavijestiti Dobavljača o svakom eventualnom propustu Dobavljača odnosu na pitanja utvrđena ovim Ugovorom.

Član 8.

Za isporučenu robu važi garantni rok od 36 (tridesetšest) mjeseci. Garantni rok počinje da teče od dana isporuke robe iza člana 1. ovog Ugovora.

Član 9.

Roba utvrđena ovim Ugovorom mora biti u skladu sa tehničkom specifikacijom i zahtjevima Ugovornog organa.

Ugovorni organ ima pravo stručnog kontroliranja kvaliteta isporučene robe, a Dobavljač je u obavezi kontrolu omogućiti.

Član 10.

Ponuda broj: DS-008-1 od 23.07.2021. godine na temelju koje je sačinjen ovaj Ugovor, čini sastavni dio istog.

Član 11.

Ovaj Ugovor se zaključuje do izvršenja njegovih odredbi.

U slučaju eventualnih primjedbi Ugovornog organa na kvalitet robe, Ugovor se može djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu ovog Ugovora.

Odredbe ovog Ugovora ne mogu se mijenjati nakon njegovog zaključenja.

V UGOVORNE KAZNE I NAKNADA ŠTETE

Član 12.

U slučaju kašnjenja u isporuci roba, do kojeg je došlo krivicom odabranog Dobavljača, isti će platiti ugovornu kaznu u skladu sa Zakonom o obligacionim odnosima u iznosu od 1% naručene robe, za svaki dan kašnjenja do urednog ispunjenja, a najdalje 5 kalendarskih dana s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani Dobavljač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos

Ugovorni organ neće naplatiti ugovorenu kaznu ukoliko je do kašnjenja došlo uslijed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani Dobavljač nije mogao uticati niti ih predvidjeti

Ukoliko Dobavljač na bilo koji način neuredno ispunjava preuzete ugovorne obaveze, a naročito u pogledu kvaliteta, kvantiteta roba i utvrđenih rokova, Ugovorni organ ima pravo raskida Ugovora i pravo da o trošku Dobavljača ustupi posao drugom Dobavljaču sa pravom naknade troškova uvođenja novog Dobavljača kao i pravo na naknadu mogućeg nastanka štete zbog neispunjenja Ugovorne obaveze.

VI ZAVRŠNE ODREDBE

Član 13.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost Suda u Sarajevu.

Član 14.

Svaka od ugovornih strana može otkazati ovaj Ugovor pismenim putem uz otkazni rok od 15 (petnaest) dana iz svih razloga propisanih Zakonom o obligacionim odnosima.

Član 15.

Za sve što nije regulisano ovim Ugovorom, primjenjivaće se odredbe Zakona o obligacionim odnosima.

Član 16.

Ovaj Ugovor stupa na snagu danom potpisivanja obje ugovorne strane i traje do izvršenja njegovih odredbi.

Član 17.

Ovaj Ugovor je sačinjen u 4 (četiri) istovjetna primjerka, od čega svaka ugovorna strana zadržava po 2 (dva) primjerka.

„ANALITIKA” d.o.o.
SARAJEVO
DIREKTORICA


(Gorana Maglajlić)

Broj: 37.05/08/21
Sarajevo, 05.08.2021.

J.U. ZAVOD ZA JAVNO ZDRAVSTVO
KANTONA SARAJEVO
DIREKTORICA


(Prof.dr.med.sci. Aida Pilav)

Broj: 05.12.101-4893-Ugovor/21
Sarajevo, 03.08.2021. godine